



SAKSPAPIR

Saksnr	Utval	Type	Dato
12/2022	Bygdeutviklingsutvalet	PS	19.04.2022

Sakshandsamar	Arkiv	ArkivsakID
Tore Henrik Øye	FE-223	22/388

HANDSAMING AV SØKNAD OM TILSKOT TIL INNKJØP AV KLAPPSTOLAR FOR BRUK PÅ "VINTERTREFFET" - VAKSDAL UNDERHALDNINGSLAG

Vedlegg:

Søknad om bygdeutviklingsmidler - Klappstolar til Samfunnshuset på Vaksdal

Kommunedirektøren sitt framlegg til vedtak:

Det vert ikkje gjev bygdeutviklingsmidler til Vaksdal Underhaldningslag for å kjøpe inn klappstolar til bruk på «Vintertreffet».

Grunngjevinga er at tiltaket sin karakter fell utanfor føremålet med bygdeutviklingsmidlane, jf. «Retningsliner for tilskot til bygdeutvikling»

Bygdeutviklingsutvalet - Sak 12/2022

BYG - Behandling:

Utvalet drøfta sak.

Ståle Hesjedal, Ap la fram følgjande forslag til vedtak:

Vaksdal underhaldningslag får tildelt 10.000 til innkjøp av nye klappstolar

Kommunedirektøren sitt framlegg til vedtak vart sett opp mot Ståle Hesjedal sitt framlegg til vedtak.

Ståle Hesjedal sitt framlegg vart samråystes vedteke.

BYG - Tilråding/Vedtak:

Vaksdal underhaldningslag får tildelt 10.000 til innkjøp av nye klappstolar.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 500 000,- til fordeling etter søknad i 2022.

Vaksdal Underhaldningslag søker om kr. 18 900,- inkl. mva. til bruk på «Vintertreffet» og i andre samanhengar.

Kommunedirektøren vurderer at søknaden fell utanfor føremålet med bygdeutviklingsmidlane, og innstiller ikkje på tildeling av midlar.

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen, med kr. 500 000,- til fordeling mellom søkerar i 2022.

Vaksdal Underhaldningslag, v/Odd Berge, søker om kr. 18 900,- inkl. mva til å kjøpe inn 50 nye klappstolar med stablevogn til Samfunnshuset på Vaksdal. Stolane skal brukast på «Vintertreffet» 2022, og komande arrangement.

Søkjar skriv at ungdomslaget i løpet av dei siste 10 åra, har kjøpt og betalt 150 klappstolar til bruk på «Vintertreffet», som også er nytta på andre arrangement. På grunn av slitasje og tryggleiksomstsyn, ønsker no underhaldningslaget å supplere med 50 nye stolar.

Innhenta pristilbod viser at prisen vert kr. 15 120,- eks. mva. og kr. 18 900,- inkl. mva. I dette høvet vert det søkt om 100 % finansiering frå Bygdeutviklingsutvalet.

Formelt grunnlag:

- Kommunelova - generelle sakshandsamingsreglar.
- Retningslinjer for tildeling av midlar frå Bygdeutviklingsutvalet”, vedtekne 26.05.20:

<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden om tilskot til innkjøp av klappstolar er i samsvar med tilskotsordninga sine retningsliner om krav til innhald, og kven som kan søkje om midlar (mellan anna lag/organisasjonar).

I følgje retningslinene skal bygdeutviklingsmidlane vere til ålmenn nytte, og stimulere til levande bygdeliv, mellom anna i form av ulike kurs, møteplassar og samlingar. Midlane skal kome mange til gode, skape trivnad og medverke til aktivitet som er tilgjengeleg for “alle”. Det vert lagt vekt på aktivitets-fremjande tiltak og prosjekt. Midlane kan ikkje nyttast til generell drift.

«Vintertreffet» på Vaksdal er eit svært flott og populært kulturarrangement, som når alle i kommunen til felles aktivitet og underhaldning.

I følgje retningslinene kan bygdeutviklingsmidlane nyttast til materiell, utstyr og opprusting knytt til ulike prosjekt og stader.

Når det gjeld søknaden om midlar til å kjøpe inn stolar, vert tiltaket sett på som innkjøp av fast

inventar til drift og vedlikehald, og ikkje til å utvikle innhaldet på «Vintertreffet». I dette høvet vurderer Kommunedirektøren at tiltaket ligg på sida av bygdeutviklingsmidlane sitt føremål, sjølv om publikum vil ha nytte av innkjøpet.

Det er ved tidlegare høve gjeve bygdeutviklingsmidlar til innkjøp av ulikt materiell i regi av andre sokjarar, som benker og bord til rastepllassar, datautstyr til ungdomsklubbar, inventar/artiklar til lokale møteplassar, spesielt for born og unge, og utstyr til ulike aktivitetar i bygdene. Desse tiltaka vert vurdert til å ha ein annan karakter enn tiltaket underhaldningslaget søker om tilskot til. I dette høve vil det vere meir naturleg å nytte bygdeutviklingsmidlar til innkjøp av materielle/utstyr av teknisk eller formidlingsmessig art, som er med å utviklar innhaldet på Vintertreffet.

Retningslinene seier at det skal søkjast ei fordeling mellom bygdene/staden i kommunen ved tildeling av midlar. Bygda Vaksdal har ikkje fått tilskot tidlegare, etter kva Kommunedirektøren erfarer.

På bakgrunn av ei samla vurdering, innstiller ikkje Kommunedirektøren på å løyve midlar til innkjøp av klappstolar.